

《中國地方藝文薈萃》總纂會 編

中國地方藝文薈萃

華夏出版社

華夏書局·第二一號 藏

華東卷·第十二輯  
貳

中國地方藝文薈萃

《中國地方藝文薈萃》編委會 編

貴州師範學院內部使用



沈南疑先生橋李詩繫四十二卷（一）

貴州师范学院内部使用

沈南疑先生樵李詩繫四十二卷（一）

（清）沈季友輯

據清康熙四十九年（一七一〇）金南鋈敦素堂刻本影印

天高地迥大有人文澤媚山輝長留風雅是以嶺南西  
蜀供採撫於遐荒金華赤城播謳吟於下邑雜卉釀而  
為蜜殘翠集以成裘况乎西浙名區嘉禾繡壤唐宣宗  
龍潛之地淡沲風光宋壽皇電繞之邦扶輿形勝伊周  
經術接奏議於宣公濂洛儒宗仰傳貽於輔子梅花塚  
上高節千秋五雲傳中蛾眉絕代其他韻士間亦卜居  
倘曰詩家數難更僕然而襟連茗水猶虛掌故之編履  
接閭亭未備獻徵之錄雕虫揮塵祇屬瑣言花史酒歌  
徒供漫戲石田之英華具在乃棄古而收今尚寶之詮  
次雖勤亦星一而漏十遂使鴛湖百絕難追鐵遂西湖  
父社千篇不敵雲間幾社豈非藝林之闕事而梓里之

大慙歟乃有青箱貴胄錦軸才人巨眼觀詩勝情論世  
自漢元光而降閱殘無筭之年由于散騎以來搜盡出  
群之輩華陽逸句再揭藤牋梅屋清言重揮寶硯合溪  
叢桂不斥瑣尾愁吟驚隱歲寒半錄黍離變雅他若霏  
霏玉屑白足黃冠艷艷管彤閨貞林秀疑仙疑鬼幻或  
甚於睽車亦諺亦謠博可助夫壘瓦既經持擇有字皆  
香偶荷品題無人不俊元遺山中州之集僉曰近之錢  
蒙叟列朝之詩瞠乎後矣嗟乎李賀之嘔心書紙輒棄  
溷中唐球之撚橐為圓空沉瓢底滄浪遷客險致失傳  
秘演高僧懶不自惜火燎假菴之舊什鼠噬槐堂之新  
篇天亦忌其孤芳人或憎夫大雅不加排纂奚自表揚

必待雕鐫庶垂久遠僕也拙性違今希心鑑古顧有堵  
而陸有宅遠想風流霍在廬而龍在秋近崇節槩維桑  
必敬忍使金玉錯沉是石可攻得免虎魚錯雜曩時握  
槩誇塵寰未見之書此日懸門信名山不朽之業固已  
序超元晏群推重夫史公如其詳續汝南尚印須于我  
友昔康熙四十有九年歲次上章攝提格嘉平望日當  
湖後學金南鏜拜序



比來索居長水編輯有明一代詩陸子聚緱過醞舫貽  
示南疑沈君攜李詩繫其於逸民寓公方外閨秀蒐羅  
甚備余頗得什一之助宋元而上以迄今代詩人間有  
闕略即偕聚緱手鈔補入越三月而卒業噫嘻是足以  
竟南疑志矣夫詩十五國風非孤臣悲憤之作即羈客  
寡女愁苦之吟其誦美君公大夫者淇澳終南羔裘鴟  
鳩特寥寥散見耳後之稱詩者動曰七子八家推崇軒  
冕而忽意于山林閒曠毋乃與風人之旨適相刺謬也  
歟南疑是書汲汲乎表微闡幽若其勢利熏心縱言有  
可採揮斥不遺餘力或者以為持擇過嚴而不知是書  
之足以行遠傳世正在乎此且其間忠節孝義之事森

然臚列山川古蹟土風物產攬摭靡遺雖曰一郡詩林是又千秋文獻寶也嗟乎作速之難古今三嘆往者蔣布衣之翹所輯樵李詩乘其卷帙之富什倍朱翰英華嘗從雁川訪求之其身甫歿而遺藁也化為蛛絲蟬粉他若劉常武原集徐贊宸之海谷遺風一時轉相抄撮流布未廣存經歲月亦幾幾有失傳之慮南疑負才早世荏苒十餘年矣同里夏聲金子乃能銳意校讎付剞劂氏以永其傳謂非時賢所難歟余老而好事竊謂我郡數千百年淵涵蘊蓄而待發者在此一書爰綴數語以促其成及吾且得周覽之也昔康熙己丑夏四月中浣秀水朱彝尊撰

徵刻攜李詩繫續編引

攜李自宋慶死後聿稱文獻之邦乃朱漢翔所選英華  
不越有明一代詩戚尚寶希仲往哲列傳雖表微闡幽  
顧亦嫌其星漏南疑沈三兄向有攜李詩繫選本由漢  
魏六代以迄國朝鄉達寓公方外閨秀仙鬼謠諺搜  
輯靡遺且人各立傳考覈詳而品隲當洵足以誇藝林  
之薈萃供輶軒之采摭矣東表三甥久藏篋衍近得金  
子夏聲校讎亥豕之訛鐫版行世竊念戊寅距今歲歷  
一紀詩老之遊道山者指不勝屈有其始之莫或終之  
大懼闕於表章無以昭美備之觀擬仿前例選定續編  
諸君子惠而好我凡刻集寫本與夫家傳墓誌所望即

賜觀覽其或誼非親故著作可傳亦所加意搜羅鈔撮  
郵示夫愛古而薄今貴遠而棄近淺夫陋見高明者之  
所刺譏也詩不云乎維桑與梓必恭敬止又曰雖無老  
成人尚有典刑持此鄙懷以質諸大雅其尚有訪善諾  
周從而輓推攸助者與昔康熙己丑涂月平湖陸奎勳  
拜啟



棄殘編斷簡其僅存者什不得一余訂是集五夏寒  
燠乃無罣漏次及有明三百年一郡文獻採錄靡遺  
而當代詩人其已辭世者亦得附焉雖曰妄作實  
出苦心

一是集所重在詩而實兼論人是以有去取而無褒譏  
故有借詩以存其人者姑不深論其工拙其或  
不免遺議者苟非驚才絕調不敢入集要以發潛德  
之幽光詎敢以刪潤而希作者知我罪我聽之而已  
一集中無論縉紳韋布閨秀方外或土著或流寓凡有  
詩可傳者皆錄之其或徵索數四而瑤章未錫俱不  
敢混入贗作

一史體撰傳俱稱名從古也曩輯柘上遺詩概以公稱  
意取順時而已是集雖於前輩達尊不諱其名竊比  
史傳之例庶免貢諛之譏

一從遺文徵往蹟傳或未真凡所臚載豈皆契合第志  
在表章法難刻覈一言一行即是楷模識者幸毋以  
濫收為誚

一櫛李英華一書景泰間朱翰選刻其所存者未盡馴  
雅而成都詩鈔有貝瓊父子歷下詩刪有姚綬李孟  
璿列朝詩集有懷說姚綸屠應峻諸家茲集蒐羅畢  
盡庶云大全

一是集既成將有古杭姑蘇苕溪雲間四郡之選事屬

千秋非迂非瑣仰唯速惠瑤華以慰飢渴康熙三十  
六年丁丑涂月平湖沈季友南疑識